

**OBUFA EDIOMI**  
**Mme Hebrew 9:6-28.**  
**ỌYỌHỌ UKPEP ẸKPE 440**  
**Eke Ikpọ Owo**

**IKỌ IBUOT:** “Koro Christ ikebehe iduk ke edisana ebiet emi edade ubọk enam, emi onyūn edide mbiet ata Edisana Ebiet; edi ebe oduk ke ata heaven, man Enye ada ke iso Abasi ke emi kabaña nnyin” (Mme Hebrew 9:24).

**Edisana Ebiet**

**“Edi ke ema ekotim mme Ẹkpọ emi ntem, mme oku edoduk ke akpa Ataya kpukpru ini edinam utom Abasi” (Mme Hebrew 9:6).**

Ikọ emi “akpa Ataya” etiñ abaña Edisana Ebiet. Nte owo ebeye oduk ke ubet emi, uwuk-utuenikañ gold okodu ke ñkañ ubọk ufien, ye okpokoro uyo iso ke ñkañ ubọk nnasia. Itie ufọp incense okodu mbemiso osim ikpehe Itie-ukpono Abasi.

**Uyo Iso**

Ekekpuhọ uyo iso ke kpukpru Sabbath. Mme ebok duopeba ekedu, itiokiet ke udim kiet, emi adade ọnọ esien Israel duopeba. Nte ekekpuhọre mmọ, ema ekpọn mme akani oro enọ mme oku. Ekedi unen mmọ ndita uyo iso.

Nnyin imenyene se Ẹkpọ emi ọwọrọde ke ini Jesus ọdọhọde ete:

**“Ami ndi odu-uwem uyo emi okotode ke heaven ọsuhọre: edieke owo ekededi adiade uyo emi, enye eyedu uwem ke nsinsi: ndien uyo emi ndinọde edi obukidem Mi, man ererimbot odu uwem” (John 6:51).**

Sia Jesus edide Ikọ emi amanade ke obukidem, nnyin imenyene se uyo oro ọwọrọde: enye ekedi Ikọ Abasi. Job ọkọdọhọ ete ke Ikọ anam ufọn ọnọ imọ akan udia imọ. Nnyin imokut nte ewutde ke ofuri utom Ataya ite se ekeyomde ndida mbọk ikpọkidem ama enyene mbiet ye se odotde ndida mbọk ukpọn.

**Itie-uwa O-Gold**

Itie-uwa gold ekedi itie ufọp incense. Ke kpukpru utom mmọ ke usen, mme oku ema esifọp incense ke itie-uwa emi ke usenubọk ye mbubreyo. Oku emi odude ke utom (mme oku ekesinam utom ke mme ini emi enimde enọ mmọ, kiet kiet ke ini esie) osio mme ebok ikañ ke itie-uwa okpoho emi ikañ akatakde ndisasak ke esit kpukpru ini esin ke Ẹkpọ ufọp incense esie. Ekere ete ke enye okodori mme ebok ikañ oro ke itie-uwa o-gold, ekem enye odori incense ke enyọn ebok ikañ.

Se itie-uwa incense oro akadade ọnọ edi se enamde efiọk ke ọyọhọ ibuoat ñwed 8 ke ñwed Eriyarare, ke ini angel adade ke iso itie-uwa ye Ẹkpọ-ufọp-incense o-gold onyūn ọfọpde incense ye akam nti-ikọt Abasi, ndien incense ye akam nti ikọt Abasi edọk edi ke iso Abasi. Incense owut akam.

Oro edi se andiwet Psalm eketiñde otuk ke ini enye ọdọhọde ete:

**“Yak akam mi ada ke iso fo nte incense; yak umenere ubọk mi etie nte uwa mbubreyo” (Psalm 141:2).**

**Edisana Ndisana Ke Usen Usio-isop**

**“Edi akwa oku ikpọn-ikpọbn akam esiduk ke udiana Ataya ini kiet ke isua; idukke ke misañake ye iyip, eke enye awade abaña idem esie ye ndudue mbio-obio” (Mme Hebrew 9:7).**

Ke nsak-iso Edisana Ndisana ke ikpehe itie-ukpono Abasi ekeyire, eda mme cherubim ye ediwak Ẹkpọ ebana enye. Ekeda ọsọn urua Ẹkpọ enam enye. Akananam owo baba kiet idukke do ke ebeye

akwa oku ikpõn-ikpõn, enye ñko oduk do ini kiet kpõt ke isua ke Usen Usio-isop. Nditõ Israel ema esitre udia ke usen emi enyuñ eseme eseme ke iso Abasi. Ekedì ini ñkabare esit ofuri idut Israel. Akwa oku ebe oduk ke Edisana Ndisana ye iyip abak enañ emi ekewotde ke itie-uwa okpoho onyuñ anam uwa usio-isop mme idiøk ñkpõ esie ke akpa ifet, mbemiso idiøk ñkpõ eke mbio-obio ye eke itie oku. Enye afiak õnyõñ ke itie-uwa okpoho emi odude ke efe esop.

Eda ebót iba eduk edì. Ewot kiet; ndien oku odori ubøk ke eken onyuñ ayarare mme idiøk-ñkpõ mbio-obio; ekem ebin ebót oro eduøk ke akai-ikõt. Ebót mbiba emi ekewut Jesus emi ekedide andibõ ufen idiøk-ñkpõ ye uwa nno nnyin.

### **Ekebe Ediomì, Ñkpõ-Itie Mbõm, ye Shekinah**

Ke Edisana Ndisana, Ekebe Ediomì okodu, emi mme Itiat-Ñwed ekedõñde ke esit. Mme cherubim ekedoro ke okukib Ekebe Ediomì, mmõ mbiba eda ese kiet eken, mba kiet osobo ye eken. Mmõ emi ekewut mme angel. Do ke mmõ ekesuk iso ese Ibet emi odude ke esit Ekebe Ediomì. Ikpe Abasi okoyom owo õdøk okosim mme idaha emi Ibet okowukde, edì ke ufõt mme cherubim ye Ibet Ñkpõ-itie mbõm okodu. Oro akanyan ubøk owut mbõm Abasi emi editienede. Ke ini mme owo eduõde ekpõñ idaha ibet ye ewuhõ Esie, ema esiwut mbõm. Ke Ñwed Mbon Rome 3:25 nnyin imokut, nte Paul etiñde abañã Jesus:

**“Emi Abasi okosiode onim ete edì uwa emem ke iyip Esie, ...”**

Ikõ oro “uwa emem” edì ukem ikõ nte enye emi etiñde ebañã Ñkpõ-itie mbõm. Ke ntre Jesus akabare edì Ñkpõ-itie mbõm, idighe inõ mme Jew ikpõñ edì kpa ye ofuri ererimbot. Iduhe se ikabañade edinam ke Ataya me eke ñkpõ mbana esie, ñkpõ kiet kiet ama enyene se owutde. Owo ikanamke baba ñkpõ kiet ekededi ke ikpikpu.

Ke enyõñ Ñkpõ-itie mbõm, Shekinah Qõbõñ akayama, uyama ikañ emi mikotoho owo. Nte Israel enanam nna, adaha obubit enyõñ oro ke uwemeyo ye adaha ikañ ke okoneyo ema etuak eda ke ufum enyõñ Ekebe Ediomì. Oro ekedì idiõñõ ndiwut nte ke iso Abasi mõdo odu ke otu mmõ. Ke ntre, Edisana Ndisana okowut ata ebiet iduñ Abasi ke Idem Esie, ndien ikanaha inõ Nditõ Israel baba owo mmõ kiet ndisañã mkpere enye, ekpededi mme oku, ibõhõke akwa oku ikpõñ-ikpõñ, enye nde oduk ini kiet ke isua, ke usen Usio-isop.

Oro anam nnyin itì ikõ Paul emi enye etiñde ete baba owo kiet ikemeke ndisañã mkpere Uñwana Esie. (Se ke 1 Ñwed Timothy 6:16).

### **Ini Utom Eke Edisana Spirit**

**“Edisana Spirit ada emi owut ete, iyarakere kañã usuñ eke adade owo oduk ke Edisana Ebiet, adañã ini nte akpa ataya osuk odude” (Mme Hebrew 9:8).**

Emi anam efiøk nte ke Ataya ye kpukpru mme utom esie ekedì se midibighike. Afiak owut ñko edinõ Edisana Spirit, nte emi idikutde ke mme itie Ñwed Abasi efen. Se Ata Edisana Ebiet emi okowutde ikayarakere kañã iwut ke ini emi Ataya okosuk odude, edì emi owut ete ke ini ama odu ke iso emi se enye okowutde ediyararede. Anam efiøk ñko ete ke ini Edisana Spirit õkõtõñõ ke ini Jesus okodukde Itie Oku Esie. Ke ntak emi Enye etiñ õñõ mbet Esie ete, “Edì ntiñ akpanikõ nno mbufo; erinyõñ Mi eyefõn ye mbufo: koro edieke mmenyõñke, Iberedem iditieneke mbufo; edì mma nnyõñ, nyedõñ Enye etiene mbufo” (John 16:7). Ke Enye ama okoto ke Obot Olive õdøk ke heaven, Enye ama oduk ke Ataya oro, õyõhõ idaha-utom Esie iba, emi edide Itie Oku. Ekedõñ Edisana Spirit ke ini oro.

### **Mme Mbiet**

**“Emi onyuñ edì ñke õñõ ini emi, eke õwõrõde ete, ewa enõ ye uwa, eke mikemeke ndinam owo oro etuakde ibuot enõ Abasi efon ema . . .” (Mme Hebrew 9:9).**

Oro anam nnyin ibup ite: nso ikedì ufõn kpukpru mme uwa emi? Nso idi ntak emi Abasi okonimde mmõ edieke mikekemeke ndinam owo õfõn ama ke spirit? Ñkukure ufõn esie ekedì ke emi enye akanyande ubøk owut ñkpõ eke ñkañ spirit. Mme uwa ye mme enõ emi ikenyeneke nti ido ke idem mmõ; ebiet emi mme Jew ekenamde ndudue ke utom akani Ediomì ekedì emi mmõ mikekemeke ndikut Jesus emi kpukpru mme uwa emi ekenyande ubøk ewut. Mme uwa ye mme enõ ikedighe aba mme

mbiet ñkpọ edi ema ekabare edi ñkukure akpan edinam ke enyin mmọ. Uwa ke idemesie ekedi mbukpọñ ñkpọ ikpọñ-ikpọñ.

Jesus ọkọtọñ ẹwuhọ edinim Udia Ọbọñ. Oro osuk aka nditie ukem-ukem nte mme ewuhọ emi mmọ ekenyenede ke idak Akani Eyo. Nte eti ido baba kiet odu ke se ekedade ebọt isọñ, mmọñ vine me ke uyo? Ih! Ih! Odu mme owo emi ekerede ete ke odu. Ufọk Abasi Catholic ama asiak ukpep ñkpọ emi akañade ndikemen ñkpọ emi miduhe aba ndiwut: oro edi, ke utibe ñkpọ, ekeme ndikabare uyo ye wine esin ke ata Ikpọhidem ye Iyip Ọbọñ emi ọkọduọhọde. Mmọ emi enam se mme Jew ekenamde: mmo ema ekabare se Ọbọñ okoyomde ete edi mbiet ñkpọ ikpọñ-ikpọñ ndiwut se enyin mikwe, nte ñkpọ ukpono enọ idem mmọ.

Ke eyo Eli, nditọ Israel ema esio Ekebe Ediomini ke Ataya enyuñ eda enye eka ke añwa ekọñ, okposuk edi ibet akakpande. Ntak? Koro mmọ ekerede ete ke odudu odu ke Ekebe Ediomini oro emi ediiñwanade ikan mme Philistine inọ mme imọ. Abasi ama asua ọnọ mmọ ke ndiyak ekan enyuñ esobo mmọ onyuñ ayak Ekebe Ediomini oro ọduọ oduk ubọk mme okpono ndem koro mmọ mikọfiokke se ekebe adade ọnọ, enyuñ ekerede ete ke odudu odu ke ekebe ke idem esie.

Ke ini ñka ukpono ekededi okponode idiọñ mme mbiet ñkpọ, utọ ukpono oro ọsuhọre okosim edikpono ndem, ikanke oro. Ekebe Ediomini ama akabare edi ndem ke ini oro ọnọ mme Jew. Ñkukure ufọn se mme ewuhọ, mme uwa ye mme enọ emi ekenyenede ekedi emi mmọ ekedade enọ ñkpọ ke ñkañ spirit.

Abasi okonim Ataya ye kpukpru utom esie nte ekemde ye usuhọre idaha uduot owo. Nditọ Israel ema ewọñọ ke Egypt edi; mmọ eketie ukem ukem nte mme ñkpri nditọ emi edude ke akpa ntọñọ ufọk ñwed. Ke akpa ntọñọ ufọk ñwed emi, edieke owo oyomde ndikpep ibat, enye eyedada nte uwut-ñkpọ, mme ñkpọ iba, onyuñ onim mmọ ọtọ kiet: kiet dian kiet ọwọrọ iba. Edieke mmọ eyomde ndikpep ubak, mmọ ekeme ndimen sokoro enyuñ ebahare enye esin ke mbak iba, midighe ke mbak ewakde ekan oro, man ekpep nte mbak enamde edehe kiet. Edi ke ini nditọ oro ema edọk esit ke ifiok-ñwed, eyewet ibat oro ke obukpọk enọ mmọ. Ndusuk ini ekeme nditre ndiwet nnọ mmọ: ana nte mmọ eda ibuot mmọ enam ibat oro, koro mmọ enyene ifiok okpon idahemi.

Ọbọñ akanam ye ikọt Esie ke ukem usuñ emi. Nditọ Israel ekesaña ebe nte akpa-ntọñọ ufọk-ñwed ke ñkpọ spirit, ndien Ọbọñ akanam ye mmọ nte ekemde ye mmeme mmọ, onyuñ obon mme ñkpọ emi man ada ekpep mmọ ñkpọ spirit. Edi mmọ ikekemeke ndikut mbe se ekedade ekpep mmọ ñkpọ. Mmọ ikekwe Jesus emi ekedide ñkukure se enye akanyande ubọk owut.

### **Ikpehe**

**“Edi Jesus ọtọñọ ntaf ofiori ke ọkpọsọñ uyo, ndien ayak ukpọñ Esie.**

**“Ndien sese, ukara temple asiaha mbak iba, ọtọñọde ke enyọñ osim ke isọñ; isọñ onyuñ enyek; ikpọ itiat enyuñ esiaha” (Matthew 27:50, 51).**

Edisiaha ikpehe emi owut ete ke ema eberede usuñ Ata Edisana Ebiet emi.

**“Mmọdo nditọ-ete, sia nnyin inyenede uko ndibe nduk ke Edisana Ebiet ke Iyip Jesus,**

**“Ke usuñ oro Enye okonimde ọnọ nnyin, kpa obufa ye odu-uwem usuñ emi ebete ke ukara, oro edi, obukidem Esie” (Mme Hebrew 10:19, 20).**

Ikpehe emi ekedi mbiet ikpọhidem Ọbọñ Jesus Christ, emi ekewaide ke eto mkpa. Ema eberede usuñ Ata Edisana Ebiet, emi edide uduok mmọñ Edisana Spirit, emi mikayarakere kaña tutu osim ini oro. Uduok mmọñ Edisana Spirit edi ñkpọ emi ọtọñọde Obufa emana, ọkpuhọre ye Akani emana emi mikenyeneke Edisana Spirit.

### **Mme Enọ Mfọn Ita**

Mmọ ema enyene utebe-ikpe; Itie-uwa okpoho mmọ okodu ke efe esop. Emi okowut utebe-ikpe, koro mi ke ekeda uwa mme idiok-ñkpọ, me, mme ndudue edi; ndien ke ini andida mme uwa oro ndi adade edi ke mbuotidem, onyuñ awade nte Ibet etemede, ema efen ke mme idiok-ñkpọ esie. Edieke enye ọkọbode ke mbuotidem, enye ama ọbọ ukem erinyaña emi nnyin ibode ke ñkpọ-itie eseme mfin emi.

Nnyin imenyene uwut-ńkpọ Edisana Ebiet ke Mme Hebrew 13:11, 12:

**“Koro emen obukidem mme unam oro akwa oku adade iyip mmọ oduk ke Edisana Ebiet nte uwa mme idiok-ido efọp ke ikañ ke edem nna.**

**“Mmọdo Jesus ńko akakpade ke edem inua-otop obio, man Enye anam mbio-obio esana ke iyip Esiemọ.”**

Akwa oku ada iyip abak enań oro oduk ke Edisana Ebiet, ndien mbemiso enye oduk ke Ata Edisana Ebiet, enye ada iyip oro eyet ke mme nduk itie-uwa o-gold. Etiń ńko enọ nnyin ete ke Ibet ama oyom eda mme unam oro ekedade iyip mmọ eduk ke edisana ebiet ekefọp ke edem inua-otop.

**“Mmọdo Jesus ńko akakpade ke edem inua-otop obio man Enye anam mbio-obio esana ke iyip Esiemọ.”**

Ndien nso ke idikabare nte uwut-ńkpọ edida iyip nduk ke edisana ebiet nnyuń ndori enye ke itie-uwa o-gold? Edinam Asana. Nnyin imenyene isọń ke Ikọ Abasi ke abaña emi.

Ọyọhọ itie ita (Ata Edisana Ebiet) emi ebererede ana ke ini emi otode ke erikọńọ Jesus Christ ke eto mkpa man nnyin ikpekeme ndiduk ye uko ke ebiet emi akwa oku ikpọń-ikpọń ekenyenede ndiduk ini kiet ke isua, ọńọ nnyin ifet emi mmọ mikenyeneneke ke Akani Ediomí. Nnyin inyene edikabare kiet kpọt inọ Enye ite ke edi akwa uduọk mmọń Edisana Spirit, emi nnyin inyenede Shekinah Ọbọń odorode nnyin ke idem kpa nte edeme ikañ okodorode mbet ke ini Edisana spirit ọkọsuhọrede edi ke Usen Pentecost.

Ke Ataya, ema ewut mme akwa enọ mfọn ita emi Abasi ọńode: utebe ikpe, edinam asana, ye uduọk mmọń Edisana Spirit.

#### **Ini Eke Edidiọńde Kpukpru ńkpọ**

**“Mmọ esańa ye udia ye erińwọń-ńkpọ ye nsio-nsio uyere-mmọń edide enyọń-enyọń ido obukidem, emi enọde owo enim, tutu osim ini eke edidiọńde kpukpru ńkpọ” (Mme Hebrew 9:10).**

Idighe ọkpọsọń ńkpọ ndifiok se ini eke edidiọńde kpukpru ńkpọ emi edide: Enye edi ini kpukpru se ewutde emi edinade ińwań-ińwań, oro edi Ini mfọn.

#### **Ata Ataya**

**“Edi ke adańemi Christ ekedide nte Akwa Oku emi adade nti ńkpọ eke ediwọrọde edi, Enye asańa ebe Ataya eke okponde akan oro onyuń ọfonde akan, eke midaha ubọk inam, oro edi Ataya eke midighe eke ererimbot emi” (Mme Hebrew 9:11).**

Ekewuk Ataya oro ke wilderness; edi ata Ataya, odu ke Heaven, emi enye ama ekebem iso etiń ke Ọbọń okowuk, idighe owo.

**“Koro Christ ikebehe iduk ke edisana ebiet emi edade ubọk enam, emi onyuń edide mbiet ata Edisana Ebiet; edi ebe oduk ke ata heaven, man Enye ada ke iso Abasi ke emi kabańa nnyin” (Mme Hebrew 9:24).**

Ofuri otom Ataya okosim uyọhọ ke Enye ama okoduk ke Itie Oku Esie.

**“Enye inyuń idaha iyip ebọt ye enań isańa ibe iduk, edi ada iyip Esiemọ oduk ke Edisana Ebiet ini kiet kpọt, ke Enye ama ọkọbọ nsinsi ufak ọńọ owo” (Mme Hebrew 9:12).**

Akwa oku okoduk ke Ataya kpukpru ini ye iyip. Mme oku akananam isańake ikpere Ọbọń ke mikamake iyip. Ke ntre ekedi se ikanade Jesus, nte Akwa Oku, akama iyip. Mme oku eksida iyip nyara enań ye eke ebọt eduk. Mi ke inyene ata uyọhọ utom Ataya oro ke ini Jesus ama okoduk ke Ataya eke heaven, ada Iyip Esie emi edidade anam mkpe-ubọk.

#### **Iyip Jesus**

**“Koro edieke iyip ebọt ye eke nyara enań, ye ntọń abak enań, eke edade esime mmọ emi edehede, anamde mmọ esana ke obukidem;**

**“N̄wañwaedisio ke Iyip Christ, emi ke odudu nsinsi Spirit akawade Idem Esie ɔnɔ Abasi nte ata edisana uwa, ediyet esit mbufo, anam mbufo ebɔhɔ utom mkpa, enyuñ enam ñkpɔ enɔ Abasi uwem” (Mme Hebrew 9:13, 14).**

Oro owut nnyin ñkpɔ ke spirit, ete ke eyet esit nnyin oto ke Iyip Jesus Christ. Oro edi ntak emi ubiom-ikpe miduhe aba inɔ mmɔ emi edude ke Christ Jesus. Esit ada ubiom-ikpe edi. Ubiom-ikpe iduhe aba ke ema ekeyet enyuñ enam asana.

Uwa Jesus Christ ama atara aka edem okosim ini ibet; ekem mme Jew; onyuñ aka iso atara ekem mme Idut (Gentile). Enye ekedi uwa usio isop ofuri ererimbot emi ekekemde ke kpukpru idaha onyuñ enyenede odudu. Enye ikasatke uduot owo ekededi: Mme Jew ye mme Idut (Gentile). Idighe oro ikpɔñ-ikpɔñ, akada itie ñko ini kiet ke nsinsi. Jesus ikodukke ke isua ke isua nte akwa oku akanamde; edi ekenɔ ini kiet kpɔt, mmɔdo enye adade nte nsinsi uwa Usio-Isop, akwa Usio-Isop emi Jesus akanamde ebeñe ofuri ererimbot, emi atarade osim kpukpru emana onyuñ odude ke kpukpru ini.

Iduhe ini baba kiet ke kpukpru edinam Abasi ye owo emi owo eke mikeduehe isop akakpade ɔnɔ isop ibɔhɔke ke ini kiet emi Jesus akakpade ɔnɔ mme idiɔk owo, oro edi, edinen owo ke ibuoat mmɔ emi minenke. Nnyin inyene mbɔm ke enyin Abasi, itoho ke edinen ido ekededi emi inyenede. Nti edinam, mfɔn ido ekededi iwutde, mme eti ido ididepke akpatre ekpri ke otu mbɔm Esie.

Edi akpanikɔ ete ke ibɔ utip ito ke nti utom nnyin. Nnyin ibɔ utip utom emi Spirit adade nnyin usuñ ndinam (onyuñ edi mmɔ oro ikpɔñ-ikpɔñ emi Spirit adade nnyin usuñ ndinam). Edi nnyin ikwe mbɔm ke enyin Abasi ito ñkpɔ ekededi emi inamde. Ñkukure usuñ emi owo ekededi (ata akpatre eti owo emi akanam odude uwem ye akpatre idiɔk owo) ekemede ndikut mbɔm ke enyin Abasi oto ke Uwa Usio-isop.

#### **Obufa Ediommi**

**“Ke ntak emi Enye onyuñ edi esine-ufɔt obufa ediommi.”**

Emi edi ikɔ eke ekabarede ke ebiet efen “ediommi.” Ekeme ndidɔhɔ ukem ukem ñko ete Akani Ediommi ye Obufa, mme ikɔ emi edi ukem ukem. Edi enye okot “testament” mi koro enye adade uwut-ñkpɔ efen edi. Testament, nte nnyin ifiakde ida enye, edi uduak, emi ediommi midighe. Mmɔdo ke ebiet emi enye okot testatment.

Uduak Esie me testatment ɔkɔwɔrɔ owut idem oto ke mkpa Jesus Christ ndien nnyin ibe iduk ke esit. Ke Enye ama akadia akpatre uɗia mbubreyo oro onyuñ ɔnɔ mbet Esie cup, Enye ɔdɔhɔ ete, “Koro emi edi iyip Mi, eke ediommi” (mme Obufa Ediommi, emi ekedade edi).

#### **Ntak Ediyom Iyip**

**“Koro adañemi Moses ama akataña kpukpru mbet ama ɔnɔ kpukpru mbio-obio, nte asañade ekekem ye ibet, ...”**

Ema enɔ Ibet ke akpa, ndien ke oro ebede ema ewet ke ñwed enyuñ eda edi ke iso kpukpru owo.

**.. enye ada iyip nditɔ-enañ ye iyip ebɔt abuak ye mmɔñ, ye ididuot idet-erɔñ, ye hyssop, ...”**

Ema eda ididuot idet-erɔñ ebɔp ekanare hyssop, ekpri eto emi ɔkɔkɔride ke idut oro, emi ekenyuñ edade enye enam edinam edisime iyip. Oro edi se Andiwet Psalm eketiñde abaña ke enye ɔkɔdɔhɔde ete, “Afo eyeda hyssop osio idiɔk ido mi efep, ndien nyesana” (Psalm 51:7).

**“Ndien osuk esisit eda iyip enam kpukpru ñkpɔ esana, nte ido ibet edide; ndien ke eriduɔk iyip miduhe, eridahado inyuñ iduhe.**

**“Mmɔdo ekenyene ndida mme uwa emi nnam mbiet ñkpɔ oro edude ke mme heaven esana; edi eda mme uwa emi efɔnde ekan emi enam idem mme ñkpɔ eke edude ke heaven esana” (Mme Hebrew 9:22, 23).**

Ekeda iyip nyara enañ ye eke ebɔt enam mme ñkpɔ emi ekdide mbiet heaven esana, edi mme ñkpɔ heaven ke idem mmɔ, emi ekenyenede mme mbiet emi, akana enam esana oto ke mme ñkpɔ eke efɔnde ekan.

**“Koro Christ ikebehe iduk ke edisana ebiet emi edade ubok enam, emi onyũ edide mbiet ata Edisana Ebiet; edi ebe oduk ke ata heaven, man Enye ada ke iso Abasi ke emi kabaña nnyin” (Mme Hebrew 9:24).**

#### **Mme Eriyarare Idem Ye Mme Utom Christ**

Odu mme ata ikpo eriyarare idem ita emi edade etre ibuot nwed emi, emi nnyin iyomde nditiñ nkpo mbaña. Nnyin iditiñ nkpo ibaña mmọ itiene nte mbuk akabaharede mmọ obon idighe nte ebonde mmọ ke ibuot nwed emi. Akpa edi ke oyohọ ufañ ikọ 26:

**“Sia akpanade nte Enye akpa ediwak ini toto ke eritọño ererimbot; edi ke emi, ke ukperedem eyo emi, emayarare Enye ini kiet kpọt, man Enye emen mme idiok-nkpo efep ke eriya emi enye awade Idem Esie.”**

Oro etiñ abaña akpa edidi Esie, emi onyũ edi ntak emi akadade Enye edi, ndiwa idem Esie. Oro ekedi ata akpan nkpo emi Enye ekedide ndinam. Edi akpanikọ ete ke Enye ekedi ndinọ nnyin mme ukpep-nkpo; Enye ekedi nte ibuot Abasi ke ison; Enye ekedi eti uwut-nkpo; Enye ama ekpep mme item eke esit mme owo ekenyimede. Edi oro ikedighe ata akpan ntak emi Enye ekedide ke ererimbot. Nkukure ntak emi Enye ekedide ke ererimbot ekedi ndiyak Idem Esie nnọ ererimbot nte uwa; usuñ oro ikpọñ-ikpọñ ke akana Enye edi ndinyaña mme idiok owo. Nkpo efen ikedughe ikan oro eke ekpedade enyaña owo. Oyohọ eriyarare idem Esie iba odu ke oyohọ ufañ ikọ 24:

**“Koro Christ ikebehe iduk ke edisana ebiet emi edade ubok enam, emi onyũ edide mbiet ata Edisana Ebiet; edi ebe oduk ke ata heaven, man Enye ada ke iso Abasi ke emi Kabaña nnyin.”**

Oro ekedi oyohọ eriyarare idem Esie iba. Oro edi utom eke Enye anamde idahemi. Enye omodu ke ebekpo mkpe-ubok Esie ke isua ikie ke itie efut-enañ. Yak ise ke ufañ 28:

**“Kpa ntre nko Christ, ke ekewade Enye ini kiet ete obiom idiok-nkpo ediwak owo, eyetọño ntak obiọñre; edi Enye ididighe ndinyene mbubehe ye idiok-nkpo, edi edidi ndinyaña mmọ emi etiede ebet Enye.”**

Oro edi se isuhọre emi edisude ke eritọño ntak ndi Esie. Oro edi mme ikpo eriyarare idem Esie ita: edi ke akpa ifet man ayak Idem Esie nte uwa; oduk ke Ata Edisana Ebiet ye iyip Esie; ke akpatre Enye okpọñ Ebekpo mkpe-ubok onyũ ada itie-utom Esie nte Edidem. Imemen iwut ke mme eriyarare Idem Esie ita emi, mme itie-utom Esie eke Anditiñ ntiñ-nnim ikọ, Oku ye Edidem.